



Narsarsuarmi innuttaasut
narsarsuaq2022@gmail.com

Narsarsuarmi innuttaasut saaffiginnissutaannut akissut

18-05-2022
Suliap normua:2017-19962
ID. nr. 75668002

Asasakka Narsarsuarmi innuttaasut

Saaffiginnissutissinnut qujanaq, saaffiginnissullu Naalakkersuisut Kommune Kujallerlu sinnerlugit akissuteqarfignissavara.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Aallarniutigalugu erseqqissaatigerusuppara, periusissaarunnissinnut pissutsillu arlaqartut pillugit akissutissarserusunnissinnut paasinnikkama.

Narsarsuaq pillugu ataavartumik suliaasimasut qanoq pisimanersut ilaatigut aperivusi. Narsarsuaq pillugu ilisimasat katersorneqarsimasut ilaat eqikkarneqarlutik, ilaatigut 2019-imi nalunaarusiortoqarpoq.

Suleqatigiissitap nutaap marsip 8-ni pisortatigoortumik pilersinneqaqqittup, 2019-imi suliaasimasoq aallaavigalugu suliaq nangeqqippaa.

Pissutsit assigiinngitsut akissutissarserusutasi suleqatigiissitap aamma suliarisussaavai, taamaattumillu apeqqutigineqartut tamaasa massakkut akissuteqarfigisinnaanngilagut. Taamaakkaluortoq saaffiginnissutissinni kissaatitut taakkartukkasi arlallit tulliuuttumi nassuiaateqarfigaagut.

Akunnittarfimmi sulisut ilanngullugit sulisut piginnarnissaat

Mittarfeqarfiit paasissutissiissutigaa, Qaqortumi mittarfittaassami atorfiit suut pilersinneqassanersut Kalaallit Airports (KAIR) suleqatigalugu misissueqqissaarlutik aallartissimallutik. Qaqortumi Mittarfittaassaq naatsorsuutigisamik ukiut sisamaat avillugu qaangiuppata naammassippat sulisut atorfinnut nutaanut nuunnissaminnik kissaateqarnerisut qulaajarumallugu, taassuma kingorna Narsarsuarmi Mittarfeqarfimmi sulisut tamarmik oqaloqatigineqassaput.

Mittarfeqarfiit aamma paasissutissiissutigaa, Qaqortumi mittarfittaassap naammassinissaata tungaanut Narsarsuarmi mittarfiup illersorneqarsinnaasumik ingerlanneqarnissaanut qulakkeerinnittussanik, kajujuummilersitsinissamut periarfissat qulaajarniarlugit. Mittarfeqarfiit naatsorsuutigaa, suliani 2022-p ukiaani naammassissallugu.

Akunnittarfimmut tunngatillugu siunissami qanoq pisoqassanersoq inaarutaasumik suli isummertoqanngilaq, suleqatigiissitalli tamanna misissussallugu aamma suliaasaraa. Mittarfeqarfiit aamma paasissutissiissutigaa, siuliani taaneqarluni oqaloqatiginninnissani akunnittarfimmi sulisut aamma oqaloqatigineqassasut. Akunnittarfimmi sulisut

ilinniartinneqaaqqinnermikkut Qaqortumi mittarfittaassami suliassanik suliaqarsinnaassappata, oqaloqateqarnerni tamanna qulaajarneqassaaq.

Illuutilinnut taartisiaqartitsineq

Innuttaasunut namminneq illuutilinnut Namminersorlutik Oqartussat ajorluartumik aningaasatigut taartisiaqartitsisinnaanngillat. Illoqarfinni nunaqarfinniluunniit ingerlatat allanngortillugit immikkut ittumik taartisiaqartitsinissamut inatsisitigut tunngavissaqanngilaq. Malittarisassat nunami tamarmi atuupput. Tamatumunnga tunngatillugu illoqarfiit, nunaqarfiilluunniit immikkut inissisimaneq ajorput. Nunatsinni pisortat suliffeqarfiutai illoqarfiit akornanni nuunneqaraangata, assersuutigalugu Nuummiit Sisimiunut imaluunniit Kangerlussuarmut Nuummut, taamatulli ippoq.

INI-p inissianik tigusinnginnissaanik qulakkeerinninnissamik, ineqarnermullu akiliuteqartitsiunnaarnissamik kissaateqarneq


Mittarfiup qulimiguulinnut mittarfinngortinneqarnissaata tungaanut INI A/S inissianik tigussanngitsoq, marsip 7-iani innuttaasunik ataatsimiisitsinermi Ineqarnermut Attaveqaasersuutinullu Naalakkersuisuusimasup oqaatigisimagaa paasivara. 2023-mit Mittarfeqarfiit inissianik ingerlatsiunnaarnissaa aalajangiisuummat, ajorluartumik tamanna akuerisinnaanngilara. Taamaakkaluartoq Qaqortumi mittarfittaassap ammarnissaata tungaanut, Mittarfeqarfimmi sulisut ineqarnerminnut akiliutigisartagaasa allanngortinneqannginnissaat sulissutigissavara. Oqaatigineqareersutut, mittarfiup qulimiguulinnut mittarfinngortinneqarnissaata tungaanut sulisut pigiinnarneqarnissaannut kajujuummilersitsisussanik Mittarfeqarfiit misissuiniarpoq.

Pensionisiaqaliliivissunut soraarnermi ajunngitsorsiassaqartitsineq, pensionisialinnullu inissiat

Suliffeqarnikkut, isumaginninnikkut, ilinniartitaanikkullu ilitsersuinissami suliniutissanik ilaatigut siunnersuusiortussamik, suleqatigiissitaq atimini suleqatigiissitamik pilersitsivoq. Pensionisiaqaliliivissunut suut neqeroortigineqarsinnaassanersut suleqatigiissitap ataani suleqatigiissitap ilaatigut misissussavaa. Ineqarneq eqqarsaatigalugu illoqarfinni allani inissiorsiorluni INI-mut allatsittoqarsinnaanera innersuussutigaara. Illoqarfimmi sumi inissarsiorneq apeqqutaalluni inissiorsiornermit initaarnissamut utaqqisoqartarmat, sioqqutsilluni inissarsioraanni isumatasaarnerusinnaavoq. Assersuutigalugu INI A/S-ip paasissutissiissutigaa, Qaqortumi inissarsiornermit initaarnissamut massakkut qaammatini aqqanilinni utaqqisoqartartoq, Narsamilu qaammatit sisamat tikillugit utaqqisoqartartoq.

Narsarsuarmi ukioq kaajallallugu najugaqarnermut tunngatillugu Namminersorlutik Oqartussat qanoq pilersaaruteqarnersut ilanngullugu apeqqutigivarsi. Naalakkersuisut Narsarsuaq matuniangilaat, narsarsuarmiullu Narsarsuarmiiginnarnissaminnik kissaateqartut pilersorneqassapput. Nunaqarfiit allat assigalugit innaallagissamik, imermik kiammillu pilersuineq qularnanngitsumik Nukissiorfimmit tiguneqassaaq.

Inaarutaasumik oqaatigerusuppara, Narsarsuup siunissaa pillugu pitsaasunik aaqqiissutissarsioqatigiinnissarput pingaartikkakku.

Inussiarnersumik inuulluaqqusillunga

Erik Jensen